



OOSTELIKE  
SINODE

## Familienuus

Geseënde  
Kersfees

Hier is ons, stuur ons  
Biddend saam op pad

Binne die konteks van die moderne viering van Kersfees is daar talle temas en onderwerpe wat oor die jare ons aandag opgeneem het, soos, "Mag jy 'n kersboom opstel?; is 25 Desember die regte datum vir die viering van Kersfees?".

In die geskiedenis vind ons die interessante oorlewing dat die viering van Kersfees in 1647 in Engeland verbied is en eers weer teen 1660 hervat is. As jy 'n internet soektog gaan doen oor al die gewoontes en gebruike wat met Kersfees assosieer word, sal jy gou ontdek dat die viering van Kersfees nog altyd 'n samevoeging van populêre kultuur en godsdiens was, wat 'n eie karakter vertoon en verband hou met die omgewing waarin dit gevier word.

Vir ons as kerk is die roeping vir die kersgety nie om mense weg te lei van die essensie van die Christusfees met allerlei debatte oor onbelangrike goed nie. Ons taak is om die geestelike lewe te fasiliteer, deur die weg te wys na die liefde van God vir ons en ons naaste soos dit in Christus bekend gemaak is. Die tradisies van die Kersgety is gevolglik nie mededingers wat uitgekakel of verban hoef te word nie, maar elemente wat ons kreatief kan inspan om die boodskap van Christus te verkondig.

Mag julle in die kersseisoen die liefde van die Here in oorvloed beleef saam met julle geliefdes want, *"Vir ons is 'n Seun gebore, aan ons is 'n Seun gegee; Hy sal heers, en Hy sal genoem word: Wonderbare Raadsman, Magtige God, Ewige Vader, Vredevoers."*

Geseënde Kersfees



### Kersgroete vanaf ons leierskap

Kersfees kondig 'n tyd van **hoop, vrede, vreugde en liefde** aan. Paulus se unieke Kersverhaal in Filippense 2:1-11 vertel ons van die omvang van God se liefde en die omstandighede waarbinne Paulus sy boodskap afgelewer het. Filippi (Hand 16) was 'n stad met mense vanuit verskillende agtergronde, sosiale stande en kulture – dieselfde soorte mense waarvoor Jesus na hierdie wêreld gekom het. Vir daardie wêreld en vir hierdie wêreld het God sy liefde sigbaar uitgestort deur as mens gebore te word. Dit was 'n duur prys, want alles wat vir Jesus kosbaar was, het Hy gelos en die nederige gestalte van 'n slaaf (dienskneg) aangeneem. Dit was die begin van Jesus se verhaal van pyn en lyding. Jesus het na die wêreld toe gekom om selfloos te leef, met net die heil en verlossing van sondaars in die oog.

Die krip en die kruis word die plek waar ons die omvang van God se **liefde** raaksien. Sonder die kruis was die krip net 'n storie, en sonder die leë graf, alles te vergeefs. Jesus het die verhouding tussen God en mens kom herstel en weer **vrede** tussen mens en God gebring – dit waaroor die engele by sy geboorte gesing het.

Paulus beklemtoon in Romeine 5:1&2 dat gelowiges, deur Jesus Christus, **vrede** by God verkry, asook die **hoop** om deel te kan hê aan die heerlikheid van God. Saam met almal gaan ons eendag erken en bely dat Jesus Christus die Here is. Vir baie gaan dit 'n wonderlike ervaring wees, vir ander 'n grusame belewenis, want wie die Seun het, het die lewe; wie die Seun van God nie het nie, het nie die lewe nie (1 Joh 5:12).

Paulus se kersverhaal wil ook gelowiges herinner daaraan dat Kersfees nie net gaan oor **vrede by God** nie, maar ook **vrede met mekaar**. **Liefde vir God** en **liefde vir die naaste** gaan hand aan hand en dit is ons daaglikse taak om, met die gesindheid van Jesus (Fil 2:5), met nuwe oë na mekaar te kyk. Nou is dit nie meer Jood, Griek of Romein (die verskillende kulture van die omgewing) nie, maar ons leer om na mekaar en ander te kyk soos Jesus na Saggeus, die owerspelige vrou, Nikodemus en die vissermandissipels gekyk het. Jesus se **liefde** vir hulle (en dus ook vir ons) is groter as enige sonde wat gedoen is. Dalk leer ons om nuut na mense te kyk en nie te besluit hulle pas nie by ons sosiale stand, kultuur, volksverband, vriendekring of dalk ons gemeente in nie. Gelowiges leef op mekaar en ander ingestel om soos Jesus te kom dien (slaaf te word), om so te leef dat mense ook daardeur na God getrek word en dat die boodskap van heil (goeie tyding) deur mense gevoel en beleef word – dan eers is ons sout en lig!

Mag ons vandag, soos die engele destyds, ook sê: “Moenie bang wees nie. Kyk ek bring vir julle 'n goeie boodskap wat vir die hele volk 'n bron van groot vreugde sal wees (Luk 2:10).” Mag ons hierdie boodskap van **hoop, vrede, vreugde en liefde** so gereeld verkondig dat mense wat in die duisternis rondwaal, weer 'n lig kan sien wanneer ons die ware Lig deur ons lewe op hulle laat skyn (Jes 9:1).

Mag die **vreugde**, soos in FLAM 103, in hierdie Kerstyd in ons lewens sigbaar wees:

*Kersfees is 'n vreugdefees. Jesus het gekom.*

Hy wil by sy mense wees dat hul kan glo in Hom.  
Kersfees is 'n vreugdefees as ons net verstaan

dat Hy nie net in 'n krip lê nie, maar ook deur 'n graf moes gaan.  
Vir jou en my het Jesus mens geword. Hy het gely om ons die lewe te gee.  
Maak oop jou hart en laat sy vrede in. Kersfees sal dan in jou begin!

Tertius Erasmus



## GEMEENTES EN LERAARS

### Beroep:

**Robert (RBD) Meintjies** van **Witbank-Suid** het 'n beroep na Magaliesburg aanvaar.

**Martin (MJ) Coetzer** van Hartswater het die beroep na **Ermelo** aanvaar en word op 2 Februarie 2025 bevestig.

## HANDELINGE

Die Handeling van die 21ste sitting van die Oostelike Sinode is op ons webblad beskikbaar.

[Kliek hier vir die Handeling](#)

## SINODEHUIS

Die Sinodehuis sluit **Donderdag 12 Desember** om 16:00 en sal weer op **Woensdag 8 Januarie 2025** open. Ons volgende Familienuus sal op 14 Januarie uitgestuur word.



## DAGBOEK SOLANK VIR 2025

### KLEIN GEMEENTE WERKSWINKEL | 21 JANUARE 2025

Die Sinodale Diensraad skop op 21 Januarie 2025 af met die eerste van 'n reeks werksinkels vir ons klein gemeentes. Ons het by die Sinodesitting hiervan vertel – en hier gaan ons nou...

Die 10 klein gemeentes van die **Ringe van Ermelo en Wakkerstroom** is op **21 Januarie 2025** eerste aan die beurt. Die ander ringe volg spoedig daarna.

Ons loods hierdie inisiatief omdat ons glo in die toekoms van ons kleiner gemeentes. Ons wil graag saam met elkeen 'n pad van visioenering, roepingsbesef en praktiese toerusting stap.

Mag dit die begin van iets groots wees ...

**Francois Retief**

---

## PREDIKANTEKONFERENSIE | 10-13 Junie 2025 | SKUKUZA



Maak seker jou verblyf is bespreek vir ons predikantekonferensie volgende jaar Junie by Skukuza, Krugerwildtuin. Ons help graag - vul die onderstaande vorm in en stuur aan [ontvangs@sinoos.co.za](mailto:ontvangs@sinoos.co.za).

Vind die besprekings vorm hier



## ANDER NUUS

**BORG 'N BORD KOS**  
EN MAAK KINDERS SE MAGIES EN HARTE VOL HIERDIE KERSEFEES

**VIR SLEGS R270 PER KIND**  
Kan jou skenking aan die Abraham Kriel Kinderhuis Nylstroom 'n somber Kersdag met hoop, lag en liefde inkleur.

**ABRAHAM KRIEL NYLSTROOM FONDS**  
BANK: ABSA  
TAK: MODIMOLLE 632005  
REKENINGNOMMER: 4113 3977 88  
VERWYSING: KERSETE EN JOU SELFOONNOMMER  
SWIFT-KODE: ABSAZAJJ

Kersfees is 'n tyd van saam-wees met familie en vriende. Maar vir meeste kinders by Abraham Kriel Kinderhuis Nylstroom is dit ongelukkig net nog 'n dag van alleen-wees.

Op 25 Desember bederf ons die kinders met 'n Kerse te by Weesgerus Oord. Hulle gaan aansit by 'n heerlike feesmaal van beesvleis, gerookte ham, pampoenkoekies, boontjies, gebakte aartappels en 'n verskeidenheid slaaie. Verder word dit ook 'n dag vol pret onder die somerson, met volle toegang tot die oord se fasiliteite.

---

## Splitsekondes saam met God



Hierdie dagstukkiesboek is nie 'n losse gebruik van teksgedeeltes nie, maar die vers-vir-vers gebruik van die Ou Testamentiese Bybel-verhale. Deur die verhale van mense en God word die werklikhede van jou eie lewe aangespreek. So word feitlik elke aspek waarmee jy vandag worstel, deur die twee-minuut dagstukkies oor 'n jaar aangespreek.

Om die boek te bestel

Deur dr Jorrie Potgieter van Lynnwoodrif gemeente.

---

## Bestel nou jou Jaarboek 2025

Die Jaarboek vir 2025 kan nou bestel word.

Bestel hier aanlyn!

Klik hier vir 'n bestelvorm!

Skryf hier in vir die ejaarboek



---

## AFLOSLERAARS

Attie Botha, Leraar | 082 554 4040 (Beskikbaar vir vir afloswerk Sondag, Kersfees en Oujaar vanaf 8 Desember 2024 tot 12 Januarie 2025)

Dion van Dyk, Emeritus | 072 317 0407 | [dionvdyk@mweb.co.za](mailto:dionvdyk@mweb.co.za)

Christie Smit, Emeritus | 083 234 4456 | [christiepos@gmail.com](mailto:christiepos@gmail.com)

André Fitzgerald, Emeritus | 082 855 0691 | [anfitz@telkomsa.net](mailto:anfitz@telkomsa.net)

Stanley Strydom, Beroepbare Predikant | 083 299 1090 | [stanley.strydom@gmail.com](mailto:stanley.strydom@gmail.com)

Charyn Myburgh, Beroepbare Proponent | 072 562 8964 | [charynsm@gmail.com](mailto:charynsm@gmail.com)

Stanley Marais, Beroepbare Predikant | 084 782 3547 | [stanleymarais@gmail.com](mailto:stanleymarais@gmail.com)



## Verjaarsdae

Baie geluk aan elkeen wat tussen **10 Desember - 13 Januarie** verjaar.

### EMERITI

- 11 Desember Danie Haasbroek
- 12 Desember Johann Fourie
- 17 Desember Johann van Rooyen
- 19 Desember Niekie Rothmann
- 25 Desember Hendrik Groenewald
- 26 Desember Cliff van Vuren
- 31 Desember Charl van Schalkwyk
  
- 01 Januarie Eddie le Roux
- 09 Januarie Stephan Weyers

### PREDIKANTE

- 11 Desember Frans De Beer
- 14 Desember Lourens Van Deventer
- 18 Desember Willem Esterhuizen
- 21 Desember Frikkie Coetzee
- 21 Desember Johannes van der Merwe
- 22 Desember Hancke van Blerk
- 23 Desember Adriaan van Tonder
- 23 Desember Raymond Kramm
- 25 Desember Ian Dubery
- 25 Desember Maartje van der Westhuizen
  
- 05 Januarie Carine Botha
- 05 Januarie Kobus Mey
- 06 Januarie Daan Klopper
- 08 Januarie Nelus Niemandt
- 09 Januarie Rika van Vuren
- 12 Januarie Roedolf Botha
- 13 Januarie Dif Ehlers

### GEMEENTES

- Lydenburg gemeente** 7 Januarie 1850 (175 jaar)
- Nelspruit gemeente** 7 Januarie 1938 (87 jaar)
- Sabie gemeente** 7 Januarie 1933 (25 jaar)
- Roosenekal gemeente** 9 Januarie 1885 (140 jaar)